

Na osnovu člana 2. Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period juli-septembar 2019. godine („Službeni glasnik BiH“ broj: 52/19), člana 24. Zakona o budžetu institucija Bosne i Hercegovine i međunarodnih obaveza Bosne i Hercegovine za 2018. godinu („Službeni glasnik BiH“ broj: 8/18), člana 24.c. Zakona o izbjeglicama iz BiH i raseljenim osobama u BiH („Službeni glasnik BiH“ br.: 23/99, 21/03 i 33/03) i člana 6. Pravilnika o upravljanju sredstvima Fonda za povratak („Službeni glasnik BiH“ broj: 22/09), ugovorne strane: Ministarstvo za ljudska prava i izbjeglice Bosne i Hercegovine, Federalno ministarstvo raseljenih osoba i izbjeglica, Republički sekretarijat za raseljena lica i migracije i Vlada Brčko distrikta Bosne i Hercegovine, usaglasili su

**SPORAZUM  
O UDRUŽIVANJU I NAČINU REALIZACIJE SREDSTAVA  
ZA OSTVARIVANJE PRAVA IZ ANEKSA VII DEJTONSKOG MIROVNOG  
SPORAZUMA U 2019. GODINI**

Član 1.

Ugovorne strane su saglasne da se dio budžetskih sredstava osiguranih u budžetima Ministarstva za ljudska prava i izbjeglice Bosne i Hercegovine (u daljem tekstu: MLJPI), Federalnog ministarstva raseljenih osoba i izbjeglica (u daljem tekstu: FMROI), Republičkog sekretarijata za raseljena lica i migracije (u daljem tekstu: RSRLM) i Vlade Brčko distrikta Bosne i Hercegovine (u daljem tekstu: BD BiH), udruži u Fond za povratak Bosne i Hercegovine u funkciji realizacije zajedničkih projekata za ostvarivanje prava iz Aneksa VII Dejtonskog mirovnog sporazuma, koje odobri Komisija za izbjeglice i raseljene osobe BiH (u daljnjem tekstu: Komisija).

Član 2.

(1) Ugovorne strane će sredstva za 2019. godinu udružiti kako slijedi:

- a) MLJPI će izdvojiti iznos od..... 2.021.000,00 KM
- b) FMROI će izdvojiti iznos od.....50.000,00 KM
- c) RSRLM će izdvojiti iznos od..... 50.000,00 KM
- d) BD BiH će izdvojiti iznos od.....25.000,00 KM

(2) Ukupno udružena sredstva za 2019. godinu iznose 2.146.000,00 KM.

Član 3.

(1) Sredstva iz člana 2. ovog sporazuma ugovorne strane će uplatiti na podračun Fonda za povratak Bosne i Hercegovine, u skladu sa važećim propisima o izvršenju budžeta: Institucija Bosne i Hercegovine, Republike Srpske, Federacije Bosne i Hercegovine i Brčko distrikta Bosne i Hercegovine.

(2) Ovaj sporazum ostavlja mogućnost da ugovorne strane, ukoliko se to pokaže potrebnim i svrsishodnim, učestvuju sa dodatnim sredstvima iz budžeta, a u tom slučaju će biti sačinjen Aneks ovog sporazuma.

Član 4.

Sredstva iz člana 2. ovog sporazuma raspodijelit će se za finansiranje projekata elektrifikacije stambenih jedinica raseljenih osoba i povratnika i projekata obnove i izgradnje komunalne i socijalne infrastrukture na područjima gdje žive raseljene osobe i povratnici.

Član 5.

(1) O raspodjeli i utrošku udruženih sredstava iz člana 2. ovog sporazuma odlučivaće Komisija.

(2) Prilikom odobravanja projekata koji se finansiraju iz udruženih sredstava vodiće se računa o nacionalnoj i entitetskoj strukturi i regionalnoj zastupljenosti, u skladu sa važećim propisima.

Član 6.

Osim personalne podrške za realizaciju zajedničkih projekata za ostvarivanje prava iz Aneksa VII Dejtonskog mirovnog sporazuma koje odobri Komisija, ugovorne strane u svrhu realizacije ovog sporazuma, staviće na raspolaganje i materijalno-tehničke kapacitete potrebne za realizaciju tih projekata.

Član 7.

Fond za povratak Bosne i Hercegovine će polugodišnje i godišnje izvještavati ugovorne strane o realizaciji projekata koji se finansiraju iz udruženih sredstava, a nakon što izvještaj prethodno usvoji Komisija.

Član 8.

- (1) Ovaj sporazum stupa na snagu danom potpisivanja svih ugovornih strana.
- (2) Ovaj sporazum će se dostaviti Ministarstvu finansija i trezora Bosne i Hercegovine, nadležnim entitetskim ministarstvima finansija i Službi za budžet i finansije Brčko distrikta Bosne i Hercegovine.

**MINISTARSTVO ZA LJUDSKA PRAVA  
I IZBJEGLICE BOSNE I HERCEGOVINE**

  
Semiha Borovac, ministrica

Broj: 06-02-4-04477 /19

Datum: 19.11.2019

**FEDERALNO MINISTARSTVO  
RASELJENIH OSOBA I IZBJEGLICA**

  
dr. sc. Edin Ramić, ministar

Broj: 06-02-13554 /19

Datum: 12-11-2019

**REPUBLIČKI SEKRETARIJAT  
ZA RASELJENA LICA I MIGRACIJE**

  
dr. sc. Marko Ačić, v.d. direktor

Broj: 26-01-07-1025 /19

Datum: 14-11-2019

**VLADA BRČKO DISTRIKTA  
BOSNE I HERCEGOVINE**

  
mr. sc. Sinisa Milić, gradonačelnik

Broj: 35-00-546 /19

Datum: 15.11.2019

**FOND ZA POVRATAK  
BOSNE I HERCEGOVINE**

  
Bojan Ninković, direktor

Broj: 03-41-486-2 /19

Datum: 11.11.2019